

magistra	«Natalia, per daman scrivast tü trenta jadas il pled 'Ella' in teis quadern!»
Natalia	«Perche?»
magistra	«Perquai cha tü stoust imprendar a dir 'Ella' a mai.»
<i>Il di davo:</i>	
magistra	«Perche hast tü scrit 40 jadas Ella?»
Natalia	«Eu laiva far ün plaschair a tai.»
magistra	«Gian, dormast?»
Gian	«HmMMM ... Che?»
magistra	«Eu nu crai cha la stanza da scoula saja il dret lö per durmir.»
Gian	«Bain bain, quai va schon, Ella sto be discuorrer ün pa plü da bass.»
mamma	«Marc, vè nan e muossa teis attestat!»
Marc	«Quai nu va.»
mamma	«Perche na?»
Marc	«Eu til n'ha dat a Moreno.»
mamma	«Ma perche?»
Marc	«El laiva sculozzar a seis bap.»
<i>Al telefon:</i>	
magistra	«Vos figl ha dit hoz manzögnas dūrant la lecziun.»
duonna	«Quai nun es pussibel!»
magistra	«Bain, bain!»
duonna	«Lura è'l propa ün bun manzneder. Eu nun ha nempe ingüns uffants.»
figl	«Mamma, mamma, eu nu vögl plü ir a scoula. Bod tuot ils scolars am turmaintan.»
mamma	«Ma tü stoust ir a scoula. Ingüna discussiun.»
figl	«Perche?»
mamma	«Perquai cha tü est il directer.»

Lara	«Nos magister es ün tottel!»
mamma	«Perche manajast, Lara?»
Lara	«El nu sa gnanca, co ch'ün chavagl vezza oura!»
mamma	«Tü exagereschast sgür.»
Lara	«Na, eu n'ha pitturà hoz ün chavagl ed el nun ha savü che cha quai es.»
vaschina	«Allo Jonas! Nu stu vessast tü esser a scoula?»
Jonas	«Bain.»
vaschina	«Che fast tü lura amo a chasa?»
Jonas	«Eu sun amalà.»
vaschina	«Oh, quai am displascha. E co vaja cun tai?»
Jonas	«Stupend! Eu sun amalà.»
magistra	«Livio, tü hast quatter francs e dumondast amo a tia sour per trais francs. Quants francs hast tü lura?»
Livio	«Quatter francs.»
magistra	«O na! Nu sast tü amo adüna na far quints?»
Livio	«Bain, ma Ella nu cugnuoscha a mia sour!»
magistra	«Elia, che mâ hast tü darcheu fat?»
Elia	«Nöglia!»
magistra	«Schi, schi, quai dischan tuots!»
Elia	«Bain, scha tuots dischan quai, saraja uschenas!»
Selina	«Bap, giaivast tü plü bod eir mincha di a scoula?»
bap	«Schi, cler.»
Selina	«E tü nun hast mai mancà?»
bap	«Na, eu nun ha mancà gnanc' ün di!»
Selina	«Vezzast mamma, quai nun ha neir güdà nöglia!»

magistra	«Andri, quant es ot ed amo quatter?»
Andri	«Dudesch.»
magistra	«Super! E co est tü gnü a quist resultat?»
Andri	«Quai es stat fich simpel. Eu n'ha quintà 500 - 488.»